



सानसेयारि बड'सा

सानसेयारि 'बड'सा' खरीरालाइयाव समाज्यादि जिज्जो लोखा थाबाय रायथाय, ब्रह्मथाय, बल, बलबाथा आरु दाबबायारि थावनि, पार्क बाइदिबि स्यायाव लिन्नाय लिन्बिबां बैथाय ठर। सानसेयारि 'बड'सा' खरीरालाइया सेबेरानाबै फोसावगोन।
बड'सायाव लिन्नायलि दुबा खालाम, 'बड'सा' खरी नोथो, जो बयबो आंगो खालाम।

सानसेयारि बड'सा मावखुनि
माइवं नोगोर, जोहोलाव देमालु लामा
कक्राझार, चिटिसि-783370
Website: www.bodosanewspaper.com

BODOSA ★ A Bodo News Daily ★ Saturday ★ 3 August, 2024 Kokrajhar, BTC, Assam ★ Vol.- 34, Issue No.129 R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-

कृष्णा दासआ बिए आन्जादिनि रांखान्थि आयदायाव सेथि मासि दखल खालामदों



भबानिपुर, 2 आगस्ट: बजाली सरुपेतानि गेरुवापार गामिनि थागिबि एबा सरुपेता बिएइसबि फरायसालिमानि फरायसुलि कृष्णा दासआ गुवाहाटी मुलुग सोलोसांलिनि बावें सो (5 बिलाइआव)

मन्थि पियुष हाजरिकाआ जागिरडआव अमृत बृक्ष्य आन्दलन 2.0 हाबाफारिखौ बेखेवदों

जागिरड, 2 आगस्ट: मन्थि पियुष हाजरिकाआ शुक्रबारआव बकुल बिफानि पुलि गायनानै जागिरडआव अमृत बृक्ष्य आन्दलन 2.0 नि हाबाफारिखौ बेखेवनानै होयो। 'बिमानि मुंआव फांसे बिफां' स्ल 'गानजों सरकारआ अमृत बृक्ष्य आन्दलन 2.0 खौ जागायजेन्दों। 1 आगस्टनिफ्राय 15 आगस्टसिम 3 कौटि बिफां फुलि गायनायनि थांखिजों बे हाबाफारिया सोलिगोन। बे हाबाफारिनि बाहागो महैर दिने मन्थिआ



जागिरडआव थानाय बांगलायाव फांसे बकुल बिफानि फुलि गायनानै जागिरडआव अमृत बृक्ष्य आन्दलन 2.0 खौ बेखेवनानै होयो। बिफां फुलि गायनानै मन्थि पियुष हाजरिकाआ राइज्योआव सोमखोर नुथाइखौ बांहोनायनि

थाखाय बे हाबाफारियाव बयखौबो बाहागो लानानै बिमानि मुंआव फांसे बिफां फुलि गायनो थाखाय खावलायो। बेनि सोमोन्दै मन्थिआ फोरमायनाय बायदिब्ला, दुलाराय भारत हादतआव 'बिमानि मुंआव फांसे बिफां' स्ल 'गानजों मोनसे हाबाफारि जागायजेनो। बे हाबाफारिनि गेजेरजों गासैबो जाहाथे गावनि बिमानि मुंआव फांसेबाबो बिफां फुलि गायनो (5 बिलाइआव)

रुपशि बिरखं गाथोनखौ गुरुदेब कालिचरण ब्रह्मनि मुंआव बिमुं होनो केबिनेटआव थिरांथा लानायखौ गोजोन्नाय फोरमायदों गुरुदेब कालिचरण ब्रह्म ट्रस्टआ

गसाइगाव, 2 आगस्ट: थानाय 31 जुलाई अक्टआव आसाम केबिनेटआ धुबुरि जिल्लानि सिडव थानाय रुपसि बिरखं गाथोनखौ गुरुदेब कालिचरण ब्रह्मनि मुंआव बिमुं होनो थिरांथा लानायखौ दिने गसाइगावआव खौरां मेलनि गेजेरजों गोजोन्नाय फोरमायदों गुरुदेब कालिचरण ब्रह्म ट्रस्टआ। गुरुदेब कालिचरण ब्रह्मनि मुंखौ आरो बिथानि बिहोमा होलांनय गासैबो अबदानफोरखौ लानानै गुरुदेब कालिचरण ब्रह्मनि मुंआव



रुपसि बिरखं गाथोनखौ गुरुदेब कालिचरण ब्रह्मनि बिमुं होनाया जोबोद गोजोनथाव जादों होनानै आसाम केबिनेटनि थिरांथा आरो गिबि मन्थि (5 बिलाइआव)

रुपसि उरां गाथोननि मुंखौ सोलायनो नागिरनाय थांखिखौ मोन 8 फसंथानफोरा हेंथा खालामदों



कक्राझार, 2 आगस्ट: आसाम सरकारआ केबिनेटआव रुपसि उरां गाथोननि मुंखौ सोलायनानै कालिचरण ब्रह्म मुं दोन्नो नागिरनाय थांखिखौ आक्राशुजों

लोगोसे मोन 8 फसंथानफोरा हेंथा खालामनायखौ नुनो मोन्दों। मख'नो गोनांदि, कच रजबंसि हरिनि जमिन्दारआ दान होलांनय हायावसो रुपसि उरां

भबानिपुर राजाकात आरो कुरुवाहा नाबाडीनि बान्जायनायाव मुसुखा आरिमुगिरिफोरनि फोरेंथाइ मावबादा



भबानिपुर, 2 आगस्ट: जनशक्ति बिकास मन्थि बान्जायनायाव आरो नाबाडीनि हेफाजाबआव भबानिपुरनि राजाकात उत्तरशुबा आरो कुरुवाहा-पालपाराआव एलइडिपि बिथांखिनि सिडव मुसुखा आरिमुनि सायाव मोनसे फोरेंथाइ मावबादा खुंफुनाय जायो। गुबुन गुबुन गावसुथा हान्जानि सा 90 आइजोफोर फोरेंथाइ मावबादायाव बाहागो लानानै मुसुखा आरिमुनि फोरेंथाइ लायो। फोरेंथाइ मावबादाखौ लोखा लाखानां 29 (5 बिलाइआव)

मिरु सरकारआ जाब्रबथाइआव जोखोम जानायफोरनो 1.5 लाखसिम बेसेन नाडै फाहामथाइ होगोन: नितिन गाडकारि



गोदान दिल्ली, 2 आगस्ट: होनायनि थाखाय मिरु सरकारआ लामा जाब्रबथाइआव जोखोम मोनसे जर'खा बिथांखि जानायफोरनो फाहामथाइ फासावदों। मिरु लामा रोगाथाइ

अशक शर्माआ बिजेपिनिफ्राय बिबान एंगारबाय

नलबारि, 2 आगस्ट: नलबारि बिजेपिनि बाराग' एमएलए अशक शर्माआ दोलोखौ नागारबाय। राइज्योआरि बिजेपि मावख'आव गावनि बिबान एंगारनाय लाइजामखौ गथायो। दोलोआरि दैदेनगिरिफोरनि हेंथायै रगा जोंखानानै नलबारिनि बाराग' एमएलएआ दोलोखौ नागारो। मिबथिनो मोन्नाय बायदिब्ला, अशक शर्माआ 9 आगस्टआव कंग्रेसआव हाबगोन। बिबान एंगारनाय लाइजाम गथायखानायनि उनाव बाराग' (5 बिलाइआव)

नाग्रिजुलियाव ब्लक बिपिएफनि गोदान आफाद दादों

दोलोआव हाबफैनाय मेल खुंदों



तामुलपुर, 2 जुलाई: तामुलपुर जिल्लानि नाग्रिजुलियाव नाग्रिजुलि ब्लक बिपिएफ दोलोनि गोदान आफादखौ दानायनि थांखिजों दिने

समलायनायाव खुंनय मेलआव मिरु बिपिएफनि गाहाइ नेहाथारि मनेस्वर ब्रह्म, तामुलपुर जिल्ला बिपिएफनि आफादगिरि, बिटिसिनि बाराग' फावफुं सोद्रोमा मनेस्वर बसुमतारि, बाराग' मावफुं सोद्रोमा गनेश कचारि, बाराग' मावफुं सोद्रोमा जगदिश सरकार, तामुलपुर जिल्ला बिपिएफनि गाहाइ नेहाथारि सिन्नेस्वर नाजारी, तामुलपुर जिल्ला लाइमोन बिपिएफनि आफादगिरि मनज (5 बिलाइआव)

उदालगुरियाव दुलाराय ब्रह्म धोरोम आफादनि खौरांगिरि मेल

आसामनि गिबि मन्थि ३ हिमन्त विश्व शर्मानिसिम साबायख'र बाउहरदों दुलाराय ब्रह्म दोहोरोम आफादआ

उदालगुरि, 2 आगस्ट: थानाय 31 जुलाई, 2024 अक्ट खालारखालि आसाम सरकारनि मोनसे केबिनेट सावराय जथुम जानानै थाखे, जाय जथुमनि गेजेरजों बि टि आर हालामनि माखासे जौगालु बिथांखि मावफुनायनि थाखाय बायदि थांखि लानायजों लोगोसे बड'लेण्डनि बिखायाव थानाय जांरिभिनारि रुपसि उरां गाथोननि मुंखौ सोलायनानै गुरुदेब कालिचरण ब्रह्म उरां गाथोन मुडै गोदानै मुं दोननो थाखाय हाबाफारिनि गेजेरजों थांखि



फोसावनायखौ नुनो मोन्नाय जादों। जाय बिथिखौ लानानै दिनेनि सानआव दुलाराय बुहुम

थांखि लानायखौ सरकारनिसिम साबायखर बावनायजों लोगोसे दुंबुदयै बरायना लानायखौ दिनेनि सानआव नुनो मोनदों। सोलिफु बोसोरनि थानाय 29 फेब्रुवारी, 2024 अक्टआव कक्राझार जिल्लानि बिखायाव थानाय ग्रीनफिल्डआव खुंफुंजालानाय महा यज्ञनि हाबाफारियाव ब्रह्म धर्म क-अडिनेसन कर्मिटाआ गासै मोन 21 दाबिफोरखौ लानानै (5 बिलाइआव)

एमएलए सुमन हरिप्रियानि हेंथायै ओन्सोलनि थागिरिफोरा अजद दैखांदों



गुवाहाटी, 2 आगस्ट: हाज' बिधासभा बिबायनि एमएलए मुस्लिमा सुमन हरिप्रियानि हेंथायै शुक्रबारखालि ओन्सोलनि थागिरिफोरा खुद्विखानाय फोरमायदों। मख'नो गोनांदि, ओन्सोलनि बुल्लत खोला

एमपि रोन्गोरा नाजारीआ बड'लेन्डआव मैदेर-सुबुनि गेजेराव जुजिलायनायखौ सामलायनो दाबि दैखांदों

भबानिपुर, 2 आगस्ट: सोलिफु गोदान जोलैनि संसदनि जथुम्मायाव आसामनि राइज्यो सभानि एमपि रोन्गोरा नाजारीआ दुलाराय आसामजों लोगोसेनो बड'लेन्डआव मैदेर-सुबुनि गेजेराव सोमजिनाय जुजिलायनायनि बांनयखौ, मुलुगनां जांरिभिनआरि ओन्सोल माहारियारि पार्क नि मोसा सरेखाथिनि रहा नाजवानायनि सायाव गोनांथार सोंथि दैखाडो।



संसदआव एमपि नाजारीआ सोंथि दैखानायाव आसामजों लोगोसे बड'लेन्डनि ओन्सोलआव मैदेर-सुबुनि गेजेराव जुजिलायनाया

नर्थइस्ट केन्चार फाहामसालियाव गोदान मुगानि बिरोंदाभिनजों सिबिथाइ मोनसिगोन थुनलाइगिरि मृनालिनी देबिआ डिजिटेल मेम 'ग्राफि मेसिन बेखेवदों

गुवाहाटी, 2 आगस्ट: गुवाहाटी नोगोरमनि साखाथि जराबातआव थानाय नर्थइस्ट केन्चार फाहामसालियाव दिने शुक्रबारखालि केन्चार बेरामजों सन्देजनाय सुबुफोरनि थाखाय गंसे गोदान मुगानि डिजिटेल मेम 'ग्राफि मेसिनखौ आसाम



साहित्य सभानि बाराग' लेडइ आफादगिरि मृनालिनी देबिया गोथारै बेखेवना होयो। बिथाड बेखेवना होनाय हाबाफारियाव बुंदोंदि, केन्चार फाहामसालिया गोदान मुगानि मेम 'ग्राफि मेसिनखौ बेखेवनानै जरखायै (5 बिलाइआव)

मुलुगनि बयनिख्रुइबो जौसिन बिफां जाय कुतुब मिनारनिख्रुइबो जौसिन

मुलुगनि बयनिख्रुइबो गोजौसिन बिफांनि बागै मिथियोब्ला नोंथाडाबो सोमोनांगोन। मुलुगआव देरसिन, फिसासिन, गिदिरसिन बिफां, जिब आरो गुबुन जिउनांफोर थानाय बादिनो फांसे बिफांआ गावनि गोजौनि ताखाय वर्ल्ड रेकर्ड सोरजिदों। मुलुगनि जौसिन बिफांआ 1,15,185 मिटर आरो बेखौ कुतुब मिनार आरो स्टेच्यु अफ लिबार्टिनफ्रायबो जौसिन नुनो मोनो। बे बिफांनि गोजौखौ नुनानै बयबो सोमोनाङ्गे आरो गोजाननिफ्रायनो बेखौ नुहरो। मुलुगनि गोजौसिन बिफांनि मुड जादों हाइपरियान। बेखौ 2006 माइथायाव संदानानै मोन्दीमोन आरो जरासे बिसि-फिसाइआ बे बिफांखौ गिवि संदानोंमोन। बे बिफांनि मुंखौ ग्रीक गोजाम सलन्थायमाफोरनिफ्राय लानाय जादों। सोमोनांथाव बाध्रादि, बे बिफांआ एसेबां गोजौब्लाबो



बेयाव जेबो दबनाय एबा गेदा-गेदि जानाय बाहागो गैया। बे बिफाङ्गे केलिफर्नियानि नेसेनेल पार्क आव दड। सुलुनि बादिब्ला, नेसेनेल पार्क आव दावबायफेनाय बयबो सुबुंफोरा बे बिफां साखाथियाव थानो मोना। मानोना बे बिफां साखाथियाव थानायखौ गोख्रौडे होबथानाय जादों आरो सोरबाया

साखाथियाव थाडेब्ला बियो 6 दान जोबथेसालिनि साजा भुगिनांनो हागौ। नडाब्ला 4 लाख रं जुमिमाना होनांनोबो हागौ। मुलुगनि जौसिन बिफांनि बागै मख'जाथाव गिदिर बाध्राया जादों बेयो बोसोरव 700 कि:ग्रा: अक्सिजेन होयो। लोकोसेनो बोसोरसेयाव 20 टन कार्बन-डाइ-अक्साइड वोनानै लायो।

बेनि अनगायै बे बिफांआ 20 कि:ग्रा: हाद्रिबालाबो सोबनानै लायो। गोलोम बोथोरनि समाव बे बिफांनि सिडव बिदुङ 4 डिग्रीसिम खमसिन जायो एबा साखाथिनि जायगानिफ्राय खमसिन जायो। लोकोसेनो बेयो बोसोरसेयाव 1 लाख बर्ग मिटरसिम मैला बारखौ गोग्गो खलामो।

आसामा जेना गोनां सिमना ओन्सोलाव लामा बानायनायखौ होबथाबाय

आइजल, 2 आगस्ट: बेरेखा दोलो मिज' नेशनेल फ्रन्ट (एमएनएफ) आरो मोनसे नायबिजिखा फसंथाननि गेजेरजों मिज'राम-आसाम सिमनाजों लोकोसे जेना गोनां ओन्सोलाव आसामनि गेजेरजों लामा बानायनाय दाय जाबसिनायनि माखासे सानफोर उनाव मिज'रामनि नख'र मन्थ्रि के सपडांगया थानाय मैया बुडेदि, बानायनाय हाबाफारिखौ होबथाना होनाय जाबाय। मिज'रामनि नख'र मन्थ्रिया बुडेदि, सिमना ओन्सोलाव आसाम सरकारनि गेजेरजों फसंनाय पुलिस आउट पस्टनिफोरखौ सरजाबनो थाखाय सिमनायारि लामाफोरव



थानाय जुन दानाव गोबां अखा हानायनि जाहोनाव हा गिसिखानायजों गोहोम गोलैदोंमोन आरो लामाफोरखौ थाबैनो बोखाना होनाय जादोंमोन। नायबिजिरनायव मिबथिनो मोनोदि, आसाम सरकार हा गिसिखानायजों गोहोम गोलैनाय लामाफोरखौ बोखानाय समाव गोदान लामा

बानायदों। अदेबानि जों गोदान लामा बानायनायनि सोमोन्दी मोनसे रिपर्ट मोनो। बेनि उनाव कलासिब डिपुटि कमिसनारआ काछरनि डिपुटि कमिसनारजों सोमोन्दी लाखियो आरो बियो बानायनाय हाबाफारिखौ होबथानो आर'ज गाबो। आथिखालाव बेखौ सुखांबाय होन्ना सपडां गाआ

खौगिरिफोरनि सिगाङ्गव बुडे। बावैसो सिगां एमएनएफनि सेरलुइ नर्थ ब्लक आ दाय जाबसिन्दीमोनदि, आसाम सरकार भेरटे शहरनि खाथि एतलां ओन्सोलाव लामा बानायनायनि दड आरो सरकारखौ फेगौ 9 आगस्टआव जानो गोनां सिमना सावरयनायनि सिगां बे केसखौ बोखानो थिनाय जायो। बिथाङ्ग बुडे मिज'राम आरो आसामा 9 आगस्टआव आइ'जलाव सिमनानि सोमोन्दी सावरयगोन। मिज'रामनि थान्दै आफादखौ सपडांगाआ दैदेनगोन आरो आसामनि टीमखौ सिमना रैखाथि आरो जौगाखां मन्थ्रि अतुल बराआ दैदेनगोन।

भायनाडआव थैनायफोरनि अन्जिमाया गासै सा 308 जाबाय



गोदान दिल्ली, 02 आगस्ट: केरेलायाव गोबां अखा हानायनि जाहोनाव सुबुंफोरनि जिउ खुंनायाव जेना सोमजिदों। केरेलानि भायनाडआव जोबसांलानायनि लामायाव फेदों। हा गिसिखानायनि जाउनाव गासै 308 सुबुंफोरा दासिमाव जिउ गोमाबाय। आखानि हमदानायखौ नोजोर होनानै त्रिशुर, मलप्पुरम, कश्किड, भायनाड, कन्नुर आरो

कासरगड जिल्लाफोरव स्कुल, कलेज आरो टिउशन सेन्टरजों लोकोसे गासिबो सोलोंथाइ फसंथानफोरा 2 आस्टआव बन्द' थागोन। बन्द'नि फोसावनाया बै समाव जादोंमोन जेब्ला केरेलानि बोथोर बिफानआ शनिवारसिम भायनाड जिल्लायाव अखानि अरेन्ज एलाट फोसावदोंमोन। त्रिशुरयाव गोबां अखा हानाय आरो दै लोमसावनायनि जाहोनाव

मिडियाजों लोब्बा थानानै गहुल गान्धी आ बुं'दोंदि, बेयो भायनाडनि थाखाय मोनसे गिथावना, दुखुनांथाव जाथाइ आरो बेवहाय गोबां माखासे खामानिफोर मावनांगौनि गोनोथि। थैनायनि अन्जिमाया आथिखालाव बांनयनि आसा दड; मानोना माखासे सुबुंफोरखौ दासिमबो मोन्ने हायाखै एबा गोमाना दड। केरेलानि सावस्त्रि मन्थ्रि जर्जआ मिबथिहोदोंदि, थैनायफोरनि अन्जिमाया दासिमाव गासै 308 जाबाय। भायनाड जिल्ला खुंथाइनि बायदिब्ला, थैनायाव सा 27 गथ'फोर आरो सा 76 आइजोफोर दंफायो आरो बांसिनानो मुन्डक्कइ आरो चुरलमालानि बयनिख्रुइ बांसिन गोहोम गोलैनाय माखासे जायगाफोरखौ नायदि हेंदों।

थारैनो बे बोथोरा सुबुंनि गोसो जिउआव बायदि गोहोम खोखैयो। बे बोथोरनि दोहौआनो लाबोदों दिनै बे मोजां मोन्नायखौ मादि भावथिना। सन्थ्र हायै माया संसारनि जेना-जेंगोनाफोरखौ एंगार-एंगार सम नायगिर नायगिर गोसो खाडे आं नौनि मोजोमसे अननायखौ।

मोजोमसे अननाय

बुलिनि गुथालजों बोहैबोनाय बोथोरनि बै आइराखिआ लाबोयो अराय दुफांनि जावलिआ बारखौ। दुफांनि थिं थिं सान्दुआव गोजोन होनाय बिफां गुदिनि सायखुनुमाव खोलो खोलो बारनाय बारा मादि सानसि बेरखांहोयो गोसो गोबांआव। दुफांनि मोनथोरजों सान्थ्र हायै सुबुं जिउसाफोरा बोदोर जानाडे।

मुस्त्रि तिकेन्जित देउरि गामि- धावलि गुरि।

रंजालि गथ'फोरनि सौरा

हारसिंयै

अम्बासि हरनि नखोरांयाव हारसिंयै ज'नानै खोमसियाव मा सानदों आइयै मा नागिरदों आइयै, खिन्था जायोबोला खिन्थासाइ नों आइ।

हारनि खोथाखौ सान्नायै हारसिंयै खोमसियाव ज'नानै, सानबाय थानो नांया आइयै गावबाय थानो नांया आइयै।

सानफागोन लोकोसे थांफागोन लोकोसे जोंबो आइ जोंबो आइ।

हारसिं गावखौ सान्नायै खोमसियाव ज'नानै, सानबाय थानो नांया नों आइ गावबाय थानो नांया नों आइ।

नुजागोन सोरांया सानसे जालांगोन जोंबो खौसे, खौसेयै सुरलांगोन आगान हारियाव गालांगोन आगान।

हारनि सोदोमसि हारनि मुस्त्रि, लाखिलांगोन अरायबो सिबिलांगोन अरायबो।

नंया नों आइयै हारसिंयै दावगालांगोन जोंबो खौसेयै, फेदो आइयै सोरांयाव फेदो आइयै न'सियाव।

रकी नार्जारि बर' बाजार फरायसालिमा, चिरां

सिमानि बुल्लियाव हिर'इन

सोरखौ आनदायहोनो सानदों हायनारि महरखौ लानानै नंआब्ला मानोथो बिखा गेजेरनिफ्राय जानगारना सिमानि बुल्लियाव हिर'इन -- !

सबिराम बर' रावां, बाक्सा

सानसि लैथोयाव

जौमोननि खन्थाइ रेबनाय आरो सोदोब बाहायनाय सानसिना नोंगौ जायो सानसि लैथोयाव

रैदोम बर', बाक्सा

अनजालु

अनजालु नौनि महरा मानो एसे समायना..... ? बुंनो हाया मानो नौनि महरखौ ? रावजोंबो रुजु जाया मानो नौनि महरा..... ? सोर बिमाया जोनोम होआ नोंखौ अनजालु..... ? गाराङ्ग नौनि बेसेबा गोदै मिनियो नों बेसेबा समायना। दिहुनो नों रिजि हाथाय थाबायो नों देबलु देबला अनजालु मा एसे मुहिनी दं नोंनाव..... ? मोसायो नोंजों लोकोआव हान्जा सिखिरिया बाज्ल बाज्ल गां फुवारना॥

मिस सानिया मोसाहारि अलंबार गोजौ फरायसालि गामि- हलतुगाव

बराय नांगौमोन

माइरं राजा बड़नि गिबि राजा, फैलाव खांसोर मिथिगा बेंखननायाव आरो साननि रोदाजों साथिफबनाय हालामाव राजि दाजेनदोंमोन।

जारिमिना मोनहास'आ रावबो बुरखानो नाजाया बेनो खुंनाय बड़नि सनाथि मुगा, रेबा बिसोर -- दोनखोमायोसो देरगा जानो गिनानै।

थरथिसे निहराव रेबनाय थायो जाय बाध्रा, थरथिसे थैआवबो रेबनाय थायो बै बाध्रा।

सोरनो बुंफोरनो गोसोनि बाध्रा सोर फोथायगोन -- --, सनाथि मुगा बाक्सा राजानि उनाव बड़नि बरादाव सोमखे दाखोन गोलेबाय।

गावजों गाव नेरलायनायाव गावजों गाव खुद्री लायनायाव, गावनिखौ गाव गारनायाव गासैबो जोबसां लांबाय गावजों गाव फोथाय लायैआव।

थुक्सा थुक्सा गावसा लांबाय सान्जारी, सैनारी, साहारी, खोलारी हाजोआरी, हायेनारी -- मोन्का मोन्का लोरबां राजि दाबाय, जाबाय बड़, डिमासा, देउरी, सोनोवाल, लालुं, मटक, मरान, थेडल, सुटिया, कक, बड़, गार', राभा, हाजं, मेसे, सर'नीया।

गान्था दामग्राफोरा दोहोरोमनि मुडव बोफले बोफले जौनि खर'आव दोनना खान्थाल बुफुना जाबाय।

गाग्लोब फेबाय यवनफोरा सैनारीनि रुबुथि हालामाव, सान्जारी हालामाव मह'फोरा पाटकाइ हाजो बारबोना मुं-डुन-सुन-खाम होनानै जौनि हालामखौ थागायना सेख'फेबाय।

दडेमोन गोदो -- --

आक्सि आगदा बान्दा दा गैलिआ बिजि खान्दा, अब्लाबो मिजिथियो-- गावनिखौ गाव गाराब्ला गावजों गाव खुद्री लायाबा गावजों गाव फोथाय लायोब्ला थाना थागोन --- बुरलुंथुथुरनि देया बोहेना थाजासिम सान अखाफोरनि सोराङ्ग थाजासिम गेरेमसा जागोन बड़नि राव हारिमु।

पवित्र ब्रत दैमारी गलाघाट

नों फेगोन समखौ

खोथा होनाय दंमोन रजेनि फेगोन होत्रानै आनि देरायाव दिनै नाथाय गुमुर गैयै जालांबाय रजेनि खौरां मोनफिनाखैसै दिनैसिमबो।

दिनैबो लामा नायनानैनो दं रजे नों फेगोन लामाजोंनो फुं बेलासि गोबांआव सानखान्थि खायामो रजे नों फेगोन समखौ लानानै सिरि सिरि।

फेगौ फेगौ साननानैनो बेलासिलाडे नेनानैनो सान हर बाबेनलाडे आंखौ मिनना, आन्दायनानै दं आं जावलिआ जानाय बायदियै नों फेगोन समखौ साननानैनो लामा नायनानै दं आं दिनैबो।

गलाप खुंगुर बसुमतारि बसगाव, कक्राझार

शपियांआव आपेलनि गोदै मोदोमनाया साग्लोबसारदों

श्रीनगर, 2 आगस्ट : खोला काश्मीरआव पीर पंजालनि तलहट्टीयाव थानाय शपियांआव आबादारिफोरा गावबा गावनि आबाद फोथार आरो बागानफोराव मुखुब जाना दड। लोगोसे लामा आरो बाजारफोरावबो होंगो-दोंगो जाना दड। बेयाव जैरैथिजायबो गोदै-गोदै मोदोमनाया बारजों लोगोसे गोसारदों। बे मोदोमनाया शपियांनि सोलायनायखौ फोरमायो। अदेबानि बेयो आथिखालाव लशकर-ए-तैयबा आरो जेश-ए-महम्मद बायदि हिजारिफोरनि गद नंलिया। बे ओन्सोला हादतआव गोदै बिदै बह्ल आरो गाब गोनां आपेल दिहुन्थाइनि गिदिदि मिरु जानो हमबाय।




सपरनि उनाव गासै काश्मीरनि शपियांआव बयनिखुइ बांसिन आपेल दिहुन्थाइ सोलिंगासिनो दड। शपियांआवबो हादतनि गिबि आपेल क्लस्टारखौ 13.23 कौटिनि बेसेनजों दिहुन्गासिनो

दड। हादतनि गासै आपेलनि 80 जौखोन्दोखौ काश्मीरआवबो दिहुन्थाइ जायो। बेनि गेजेरवबो गासै 30 जौखोन्दो आपेलखौ खोला काश्मीरनि जिल्ला शपियांआव दिहुन्थाइ जायो।

सरसन्सायै सपराव आपेल दिहुन्थाइनि बिबाड बांसिन। नाथाय गुणनि बिधिडाव शपियांआव बेनिखुइ सिगाडव दड। शपियांआव 27 रोजा हेक्ट्यारआव आपेलनि बागान

दड। गासै जिल्लायाव 70 जौखोन्दो थागिबिफोर आपेल दिहुन्थाइनि गेजेरजों थानानै थानायनि रहखौ खामायगासिनो दड। बेयाव थासारि, हानि सिदोमा आरो बिदुड आपेल दिहुन्थाइनि थाखाय गुबुन जायगाफोरनिफ्राय साबसिन। शपियांआव मोनफोन हेक्ट्यारव 112 मिट्टिक टन आपेल दिहुन्गासिनो दड। सासे आपेल फालांगिया बंनय बायदिब्ला शपियांआव आथिखालाव उतखारिफोरनि जायगायाव आपेलनि बागानफोरल' नुनो मोनसै। 2023-24 नि रांखान्थियारि सार्थे रिपटनि बायदिब्ला शपियांआव 1 बोसोरनि रुजुनायाव आपेल दिहुन्थाइ 20 जौखोन्दो बांदों।

हामास उतकारिनि गाहाइ हानियाखौ जोबथा बिदाय होबाय



तेहरान, 2 आगस्ट : इराननि राजथावनि तेहरानआव बुधवार फु'आव मिसाइलजों गाग्लोबनायाव जिउ गोमानाय हामासनि गाहाइ इस्माइल हानियाखौ बृहस्पतिवारआव जोबथा बिदाय होयो। बे समाव इराननि जौसिन दैदेनगिरि आलि खामेनेइ, हादतगिरि मसुद पेजेरिकयान आरो गुबुन गाहाइ

सुबुफोरा किलिस्तीनखौ मदत होना स्तगान होनागै गोथे सह' दैबायनायाव बाहागो लायो। हानियानि गोथे सह'खौ कातारनि राजथावनि दहायाव लानाय जायो आरो शुक्रवारआव जोबथा बिदाय होयो। बेनि मंगलियासिम सौहैनाय आमैरिकानि गुबुन हादतयारि मन्थि इन्टनि बिल्ल'कनआ बुंदों, सोनाब एशियाआव बयबो जे'ना-जेंसिफोरखौ बांहोथेनि थाखाय बयबो नाजानांगोन। रवबो बेफेर हाबाफारिखौ मावनायनिफ्राय जानगाथ थानांगोन, जायजों अरोबव मोनसे दावहा जानायनि आसाया मोगथां महर मोनो हगौ।

इज्राइलआ सुथुरफोरनो गोखों सांग्रांथि होदों



जेरुजालेम, 2 आगस्ट : हामास आरो हिजबुल्लानि खाफिल इज्राइलआ इक्सन मडआव फैबाय। हामासनि चिफ इस्माइल हानियाखौ इराननि थाग्रा जायगायाव थांखि लानानै सि थारनायनि उनाव दा बिथानि उनाव टार्गेतआनो जादों हिजबुल्लाहखौ फोजबखानाय। बेनि गेजेरजों इज्राइलआ गावनि सुथुरफोरखौ सांग्रांथि होदों। पिएम बेन्जामिन नेतन्याहुआ बुंदोंदि, जुदि जौनि सायाव सोरबा गाग्लोबो अब्ला बियो बेनि बेसेनखौ सुख'नांगोन। बिथांआ बुंदोंदि, जुदि खमलायनोब्ला एबा गावखौनो बासायनोब्ला जों फावसयनानै थानाय नड। अदेबानि इज्राइलनि पिएमनि फिनजाथायआ हिजबुल्लानि चिफ हासन नसरुल्लानि सांग्रांथि होनायनि उनाव फैदोंमोन, जेराव बिथाड बुंदोंमोनदि इज्राइलआ बिथानि टप मिलिट्री कामान्दार फौद शुक्रखौ बुथारदों आरो दा बिसोरो बेनि बदलाखौ लागोन। हिजबुल्लानि चिफ हासन नसपुल्लानि सांग्रांथि होनाय फिनजाथायनि उनाव इज्राइलनि गुबन हादतयारि मन्थि इज्राइल कात्जनि फिनजाथायबो फैदों। बिथांआ सशेल मिडिया प्लेटफर्मनि एक्सआव बुंदोंदि, हिजबुल्लानि चिफ हासन नसरुल्ला बेफोर सिगिनयाखौ एबा हुमखि होनायखौ बन्द' बिबुंथि होयाखे।

आमेरिकाआ खालिस्तानी उतखारि पन्नुनि आयदाखौ गोजौ थाखोआव लांगोन: सुलुं



वाशिंठन, 2 आगस्ट: आमेरिकाआ फिन खालिस्तानी उतखारि गुपतबन्त सिंह पन्नुनि बाशा रायखंदों। आमेरिकाआ पन्नुखौ जिउ फोजोबनायनि लोब्यायै सोलिंगासिनो थानाय नायबिजिरनायाव भारत सरकारनिफ्राय फिन्नाय होगोन आसा खालामनायखौ आमेरिकाआ खेबसेबाव बुफिनो। आमेरिकानि गुबुन हादरयारि बिफानआ रोखायै बुंदोंदि, बे के सखौ आमेरिकाआ हाइ लेभेलआव भारत सरकारनि सिगाडव गावनि जिगाफोरखौ बुंथिगोन। मख'जाथावदि, पन्नुखौ जिउ फोजोबनो नाजानायखौ लानानै भारतआव नायबिजिरनाया सोलिंगासिनो। आमेरिकाआ गावनि एजेन्टनि

गेजेरजों पन्नुखौ जिउ फोजोबनायनि दाय जाबसिन्दों भारतनि सायाव। गुबुन हादरयारि बिफाननि लेडाइ बुंथिगिरि भेदान्त पाटेलआ बुंदों, जों आमेरिकानि हायाव सासे आमेरिकानि नोगोरारिखौ जिउ फोजोबनो नाजानानै जाफु'सौरैआव सासे भारतीय सरकारि मावसुमानि जे'ना गोनां बिफाननि लोब्यायै भारत सरकारनिफ्राय फिन्नाय मोनगोन आसा खालामनायै दडआरो हाइ लेभेलआवबो थोंजों भारत सरकारजों गावनि जिगाफोरखौ बुंथिगोन। बेराफासै लेडाइ बुंथिगिरि भेदान्त पाटेलजों कानाडायावबो गुरुपतबन्त पन्नुखौ जिउ फोजोबनो नाजानायनि बागै सोंथि

खालामनायाव बिथाड बुजेदि, कानाडानिफ्राय जाय खौरां सौफेदों, आं नोंथांमोनखौ बे आयदाफोरनि सायाव कानाडान सरकारनि खाथियाव दैखानो थाखाय बुंगोन। बे जाथाया कानाडानि मोन्थाय थानाय बाहागोआव जादों। भारतयारि नोगोरारि निखिल गुप्ताहनि सायाव पन्नुखौ गोब्राबै बुथारनो खैसार सानायाव दंफायोमोन होनानै दाय जाबसिन्नाय जादों। भारतआ खालिस्तानखौ मदद जाबसिन्नाय जादों। भारतआ खालिस्तानखौ मदद होग्रा गुपतबन्त सिंह पन्नुखौ उतखारि होनानै फोसावदों। आमेरिकानि आइन बिफानआ दाय जाबसिन्दोंदि, 52 बोसोरनि निखिल गुप्ताआ भारत सरकारनि मददगिरि आरो बिथाड गुबुन सुबु'फोरजों लोगो नांनानै निउयर्क आव पन्नुखौ जिउ फोजोबनायनि खैसार खालामनायाव मदद खालामनायेंमोन। पन्नुहा आमेरिकाजों लोगोसे कानाडानिबो नोगोरारि फोरमानलाइ दड।



बेरुट, 2 आगस्ट: इजराइलआ मोनसे गाग्लोबनायाव हिजबुल्लाहनि जौसिन कामान्दार फुआद शुक्रखौ जिउ फोजोबनो हायो। कामान्दार फुआदनि जिउ गोमानाय उनाव हिजबुल्लाहआ गिखाडो। बृहस्पतिवारखालि हिजबुल्लाहआ गावनि कामान्दारखौ खोमानांनय आरो खोला लेबाननआव गाग्लोबनायनि खिथेर लानो थाखाय सा इजराइलआव मोनसेनि उनाव मोनसे गोबां रकेट गावहरो। थानाय मंगलबारखालि इजराइलनि उरांजों गाग्लोबनायाव फुआद शुक्रआ जिउ गोमादोंमोन।

फुआदनि जिउ गोमानायनि उनाव हिजबुल्लाहआ इजराइलनि सायाव गिबि खेब गाग्लोबदों। बेराफासै हिजबुल्लाहनि दैदेनगिरि हासन नसरुल्लाहआ बुंदोंदि, शुक्र बारखालिबो गावसोर गाग्लोबनायखौ सोलिहोदों। हिजबुल्लाहआ मोनसे फिन्नायाव बुंदोंदि, गावसोर सुथुर इजराइलनि गाग्लोबनायनि फिन्नायाव गोबां गोक्रों रकेटजों गाग्लोबदों, जेराव माखासे नोगोरारिफोरनि जिउ गोमादों। हिजबुल्लाहआ इराननि मदद मोन्नाय हिजबुल्लाहनि गाग्लोबनायनि फिन्नायाव इजराइल अखां सांथिआ कत्युषा

रकेटखौ अखाडववो सिलिंखार खालामो। आइडिएफआ बुंदोंदि, पके टफोरखौ अखाडववो सिलिंखार खालामनो हादों। नाथाय गं 5 रकेटआ सिमनायाव हाबफेनो हादों। अदेबानि बे गाग्लोबनायाव जायखि-जाया रोखोमनि खहा जायाखै। बेराफासै इजराइलआ हिजबुल्लाह गाग्लोबनायनि थाखाय लेबानन सरकारखौ दायनिगिरि खालामदों। इजराइलआ ससेल मिडिया प्लेटफर्म एक्सआव बुंदों, जों रावखौबो इजराइलनि सुबु'फोरखौ उतखारि जाहोनायनि गनायथि होनो हाया। मख'जाथावदि, बेनि सिगों इराननि राजथावनि तेहरानआव मोनसे गाग्लोबनायाव हामासनि गाहाइ इस्माइल हानियानि जिउ गोमादों। इरान आरो हामासआ बे गाग्लोबनायनि थाखाय इजराइलखौ दायनिगिरि खालामदों, नाथाय इजराइलआ बेनि सायाव जेबो बिबुंथि होयाखे।

कर्नाटकनि पुत्तुरआव हा गिसिखानायनि जाहोनाव हाइवे 275 जों हान्था-मेला खालामनाया गोथेदों

मंगलुरु, 2 आगस्ट: केरेलानि भायनाडआव जानाय हा गिसिखानायनि उन्निक्राय हा गिसिखानायनि जाथाइफोरनि खौराड सुबु'फोरनि गोसोआव गिनाय सोमजिहोदों। गोदान हा गिसिखानाय जाथाइया शुक्रबारखालि कर्नाटकनि पुत्तुर बाइपासनि खाथियाव जायो, जायनि जाहोनाव माहारियारि राजा लामा 275 आव ट्राफिक जाम सोमजियो। बिबानगिरिफोरा फोरमायनाय बायदिब्ला, हा गिसिखानाय जाथाइया शुक्रबार फुनि 3:00 रिगायाव जायो। बे जाथाइनि उनाव मेसुर आरो मंगलुरु थांग्रा गारिफोरा पुत्तुर कस्बेजों जानानै थानाडो। पुलिसनि बायदिब्ला, हा गिसिखानाय जाथाइयाव रावबो सुबु' एबा गारिफोर थाबथानायनि जाथाइ जायाखै। आथिखालाव हा गिसिखानाय जायगानि फारनैथिजायबो बेरिकेडस लागानाय होनाय जाबाय, जायजों पुत्तुर सहरजों जानानै थांग्रा ट्राफिकखौ डायभार्ट खालामना होनाय जाबाय। सहरनि पुलिसफोराबो ट्राफिकखौ कन्ट्रल खालामनो



थाखाय माखासे थांखि लादों। स्टेट बाइवे बिफानआ जावग्रा मेसिनफोर आरो लेभारफोरनि बायखोन्दा थुखाफोरखौ दोलो दैथाइ हरनानै फुडाव बोखारनायनि खामानिखौ

2023 आव सा 2.16 लाख सुबु'फोरा भारतीय नोगोरारि मोन्नो नाजादों

गोदान दिल्ली, 2 आगस्ट : थानाय बोसोर एबा 2023 आव सा 2,16,219 भारतीयफोरा गावनि नोगोरारिखौ नागारो। बे खौरांखौ मिरु सरकारा बृहस्पतिवारखालि राइज्यो सभायाव होयो। गुबुन हादतयारि राइज्यो मन्थि किर्ति बर्धन सिंहआ थानाय 5 बोसोराव (2019-2023) आव गावनि नोगोरारिखौ नागारलानाय भारतीय नोगोरारिफोरनि अन्जिमानि बागै

जागायो। बेरा फारसे, कर्नाटक राइज्यो मिथिगायारि अलखद नोजोर लाखिग्रा मिरुआ बोरियारि आरो आंदरुनी बोरियारि ओन्सोलफोराव अखा हानायनि सांग्रांथि फोसावो। फारसेथि केरेलायाव गोबां अखा हानायनि जाहोनाव दै लोमसावयो। बेनि गेजेरजों भायनाडआव हा गिसिखानायनि जाहोनाव सा 308 सुबु'फोरनि जिउ गोमाखांबाय। फारसेथि जोखोम जानायफोरखौ गाहायै दिहुन्तो थाखाय मोनसे उन्नत लाइट हेलिकप्टर बाहायगासिनो दड।

इज्राइली सान्थिफोरा अल जजिरानि खौरांगिरिखौ बुथारनायनि जाहोनखौ फोरमायदों



जेरुजालेम, 2 आगस्ट : इज्राइल-हामास दावहायाव दासिमाव रोजा-रोजा सुबु'फोरनि जिउ गोमाखांबाय। इज्राइलनि सान्थिफोरा लांथिचयै गाजापट्टियाव हामासनि हेंथायै सान्थियारि नायबिजिरनायखौ फिन्नाय होगासिनो दड। बेनि गेजेरजों इज्राइलनि सान्थिफोरा थानाय बृहस्पतिवारखालि खौरां होयोदि, बिसोर गाजायाव उरां जाहाजजों गाग्लोबनायाव अल जजिरानि खौरांगिरि इस्माइल अल-गौलखौ बुथारदों। बियो हामासनि सोद्रोमामोन, जाय इज्राइलआव थानाय बोसोरनि अक्टबर दाननि गाग्लोबनायाव बाहागो लादोंमोन होना

इज्राइलनि सान्थिफोरा दाबि दैखांदों। सुलुनि बायदिब्ला, अल-जजिराआ खौरांगिरि थैनायनि सायाव दुखु मोन्नाय फोरमायदोंमोन। अदेबानि चेनेला बुंदोंदि, इज्राइलआ गोसो जानानै खौरांगिरिफोरखौ नोजोर होगासिनो दड। जेबो फोरमान एबा भिडिअ मोना जासे इस्माइल अल-घउलनि हेंथायै जाबसिन्नाय दायफोरखौ चेनेला सांखारिदों। कतरि ब्रडकास्टारआ थानाय बुधवारखालि बुनाय बायदिब्ला अल-घउल आरो केमेगमेन रेमि एल रिफि सानैबो गाजा सिटियाव इज्राइलनि गाग्लोबनायाव थैदोंमोन। बै

सानाव बिसोरनो इरानआव थैनाय हामासनि गाहाइ इस्माइल हानियानि न'खाथियाव सावथुन बानायनायनि खामानिखौ गथायदोंमोन। इज्राइल सरकारा अल-जजिरानि सायाव माहारियारि रेखाथिनि थाखाय अलखद जानायनि दाय जाबसिन्नाय इज्राइलाव बिसोरखौ सालायनायनि सायाव होबथानाय जाबसिन्ना होयो। सुलुडाव फोरमायनाय बायदिब्ला, बे दावहायाव अल-जजिरानि सानै खौरांगिरिफोर थैखांबाय। बेराफारसे बे दावहायाव थैनाय फिलिस्ताइन खौरांगिरिफोरनि अन्जिमाया सा 165 जाबाय।

